

SiōngChú chúbîn ê anchoân

(Peh kiā'á ê si.)

1 Óa khò SiōngChú ê lâng chinchhiūⁿ Si'óng soaⁿ,

in éngoán khiā chāi, bē iôtāng.

2 Chèng soaⁿ ánhóaⁿ ûi tī Êlúsalem sî chiuûi,

SiōngChú mā ē áne ûi tī I ê chúbîn sinpiⁿ,

tùi chit sî, titkàu éngoán.

3 Siâok ê koânpèng bē ittít koánhat gīlâng,

biántít gīlâng chhun chhiú chò pháiⁿ.

4 SiōngChú ah, kiú Lí hó khoánthāi hiahê hêngsiān ê lâng,

kah hiahê sim lāi chèngtít ê lâng.

5 M̄ koh, lūnkàu hiahê phianlī chèngtō, kiāⁿ oankhiau ê lō̄ ê lâng,

SiōngChú beh kā in kah chò pháiⁿ ê lâng chòhóe tūtiāu.

Goān pêngan kui tī Isulael!

上主子民 ê 安全

(Peh 崎 á ê 詩。)

1 Óa 靠上主 ê 人親像錫安山，

in 永遠 khiā 在，bē 搖動。

2 眾山 án 怎圍 tī 耶路撒冷四周圍，

上主 mā ē áne 圍 tī 祂 ê 子民身邊，

tùi chit 時，直到永遠。

3 邪惡 ê 權柄 bē 一直管轄義人，

免得義人伸手做 pháiⁿ。

4 上主 ah，求祢好款待 hiahê 行善 ê 人，

kah hiahê 心內正直 ê 人。

5 M̄ koh，論到 hiahê 偏離正道，行彎曲 ê 路 ê 人，

上主 beh kā in kah 做 pháiⁿ ê 人做伙除掉。

願平安歸 tī 以色列！